



# Պարույր Սևակ

## Գարնանային

Գարո՛ւն է...

Փողոցով անցնում ես ակամա ժպտալով,  
Ժպտալով ալիքվող մայթերին,  
Շենքերին, որ իրենց վարդագույն տուֆ քարով  
Թվում են քեզ այսօր անթերի:  
Ուզում ես մոտենալ, մի բարի խոսք ասել  
Գլանակ վաճառող ծերուկին,  
Քեզ դիմող կոլխոզնիկ քեռու հետ սկսել  
Մի գրույց սրտառուչ-սրտագին:  
Թվում է՝ ծանոթ են անծանոթ այս կանայք,  
Մտերիմ՝ աղջիկներն այս շահել.  
Թվում է՝ բոլո՛րն էլ քեզ պիտի հասկանան  
Եվ նույնիսկ... կարող են քեզ սիրե՛լ...

Գարուն է...

31.III.1951թ.

Երևան